



Apaika Onönemo Wëntamo

Narrador: Muipa (Alberto) Boyotai Enomenga

Artista: Tade (Valerio) Alvarado Nenquihui

Equipo del Proyecto: Chris Rogers, Ethan Sibbett y Tod D. Swanson



Escanee para escuchar la historia completa



apaika awinka änte apenekebopa ñowo aninke manii wene
yekëne adoneke iñönte edenëgä



oköne kiwininki tömängä gidinani weka kewente oigä nängi öngä
igä kaipa ininke adoneke iñönte baane ñao bayogänte omede
gote öönte en te pömo kēenāni āngä ao ānāni ta gote toma itede
egankame gote owēngänke okeme po igä pömöte änte
keyogänte dee oigä awedinke ebano keto okeme okone ente
gobo kēngināni änte ponente wedinke



ka wete wedinke okeme idome pöñongänte menaa a öngogadai idome tömënë
igädai boweida töno petoba intömënë ongona adinke ayögänte tömënë wete
kinänte bitö omede gote keweninki okemeninke weë imi pömi änäwedinke botö
omede botö gidinani oigä kemöni änäni wedinke goyömote omote änte goyömote
gote toma itede miñomote dee awedinke okeme pömopa oköne goyömote ebano
de a omepobi pömipa änäni wekewee änte pönente wedinke pömopa añöngänte
onönke bitö wabano gote wewimi mönatö yekene waapöni manii omede godinke
waëmo kee nömönapa änä wedinke kigäno nemina añöngänte manii pönömönä
ente okeme oköne gote ate yekene wadani inanite apenedamai ina bitö manii
apenebi ate yekene mönatö imodate yekene doobe eñekedanipa manii beyenke
manina pönöna entabopa pee wenete tömimi ki ima manii pönömönä ente okeme
gote gotate baane ate gote ate bakoo oigänkoo önkebipa änäwedinke ao änte
okeme gote gawadike baa



wemo baa monke wai wokenani kinante omepöbi pomi änäni wedinke dee awedinke wade pöpopa baane ate onke gobopa anga eñenani wedinke monke tomänäni monke wokedani adinke tomëngä tomënä manii ënte pönömönä ënte okeme gote ate yekene keñemo inte bee okai änätapa änte ao änte änawadinke miñogänte tome daita bei ongo adinke tōmenga moñomo ñoo enomengade wai wokënte tōmenga da wininki da wenonga boke kekaka nae ñogeni ñoge tomëngä wete wange wiponënte wai wokeninke wange mowoyogänte woyowote tōmenga toniñada omepo ñomemo añögänte omakaki tomë omaa i omepo ñemei öö ënte wadeñeme wadeñeme wadeñeme keyonänte dee awe kee goyonänte oniñenopa tomëngä ñome godinke tomëngä mowoyomo enomegade adamai wade ñomeñonänte tao keyongänte tomë teo weninke enoweme ñöngëñönte tomë dee tagogatii manii tagodinke godame kewoyönte nano toniñaka bakeka ñemegokã ñemegokã ñemegokã goo go ënke ñomënte ñoode goo wai wokënte gemämote änte wai wokënte dee mönte wokeninke e onone eneyögänte tomëngä onene go yoge gidinke onötawe gigatii manii gidinike gi ate tomëngä baane möwote poo ñani omemönte boto kii aye ongo änte wemo ayögänte dee tomënke tao doobe kekã go enowene owetakade göge ate tomëngä tomënganke ëgi bate okeme tao okone taa gote ebano kete ñowo



anodo kebo pö egimoo pönente pönente ekano weka manii go giti änte wedinke gote omede kegönte kegönte tömängä wete okeme gote dee änäwebote tömënë nee pönöna goyögänte kinänte bitö anodo wepömi änäwedinke minatö nāno pönömina botö ëno oköne go ko bitö nāno änömai bee okate boto möñömo enomegade ñoode keyomote dee tao ekame keda dee tao gotii wedinki pömopa añögänte waa pönömina emoeda añögänte ebano kete pönömönä emaimi adopoke manii mönatö pönö yekene e nëente oe äntamönapa ñowo weete ebano kete anodo pönögimöna anodo gote ekano onöntawe o ekame weka manii gotii änte diki mimi poo ënkebipa manii pönamai i ënteate edewaa pönotamönapa ebano kete weete pönögimona änä wedinke ao änte okeme gote



woyowote mönke tomänäni wokänani wedinke tomänäni ekano
onötawe go gitii abote änte tömängä iyomo begetänka beete beete
agoyögänte tömängä nanotoniñaka bakeka onöntawe iyomo go bee
tee eñeñögänte känkade godame godame tede wedinke ñowo ebano
kete ta egimoo änte iyomo go gampo keyögänte tömänäni yekene
weene yekene onötawe okiyänani nänö toniñadani onöntawe tao keki
bäänte igätii manii beyänke ebano kete tao kekimo botö toniñaka
ingänte tao kedinke memogakewee tömängä pönente wedinke
iñomo go begete kete aye anobai wipönente beteñögänte nänö
toniñaka nani omemönte ayögänte nanotoniñaka tängä adinke pee
wenete



mowote baane kete wedinke baane baane keyögänte dee
awedinke tadamai igätii manii ke wedinke baane anodo go kete
abote änte pönente keyögänte nanotoniñakä okiyëga bakekä
kina botö memo inkete kinaa manömai kekänamai naniya ñowo
weete



wënka paate wai wokënte wänge mömo ekame ìnkete pöö gämpote ate yekene edönke baane onömpo ëmpodani ate baane ate manigä kekama änkeboïpa änte wedinke tömëngä nanotoniñaka bakeka wënka nänte tomaa aye tömëngä aye tomänänte mönke ñoode mönke wai wokeñögänte woyowote baate tömëngä nano toniñaka anodo gote kebo ta emote änte gämpo gämpo kekete änte keyögänte dee tadamai iwëdinke onöpaka gämeno gäämpo keka pede ëmpo onömpakä nano bei okögä ankai giñënte ñan i nanotoniñaka omemöngä wedinke wade gote woyowote wedinke baane ate onömpo kowa ayögänte tömëngä onömpo yekene doobe wëntamo poni bapogakai manii bapote onömpaka anobai wëntamo bamönte wedinke doobe adani änte adani awedo änte tömëngä baneke omemönte nano toniñaka bakeka ekano botö imote gämpodata äñögänte doobe onömpo wëntamo ëmpoka ate wedinke wëmpokä igänte doobe botö toniñaka ìnkete manomai gampokanamai nania namabopa ängä ëñëngä doobe ëñëngä tömëngä nanotoniñaka ëñëngä doobe ëñënte wedinke botö ñowo gämpobo wiwa änäni wekewedo wade gote gobo gote eyomome ìnkete gote wemote änte wedinke tomëngaki omena o ëganke abetawe go



omede gote goyögänte tömënë anodo pönä wedinke manii boto
toniñaka igänte gämbo kebo namai nania kekawedo änte
gämpobo tedeka wedinke botö wëmboide pinani wënkewee änte
wedinke wade pömopa



ñowo egänkame gote wënkete änte pömopa änte weka wedinke
wedinke tömëngä yekene egänkame gomo adinke apaika manii
wemo bayögänte ewai wokënga manii ñomo ekame ìnkete to
omina gote aboeda änte weka wedinke



ao änte ao änä wedinke tanoponi ekano aninke öginaa aninke
ömpa ñowo koo dakakebopa ängä wedinke ao ängä dakaka
dakada ininke ekano ñowo tano öönä gote akimo ängä wedinke
bitö toweida ängä wedinke ao äninke botö öömo egänkado
öömo änte ao wedinke ao änte ööma dakate ömpa pede
godönga bei okönte daa tene ninke too oñönte woo ömpa idome
godinke tee wëngätii gepode



wee wedinke ebano kete ñowo weete ìnte godedamai ìmipa
ñowowete petoba bitö bitö petoba öömi kete aboë kebi weboë
ñowoke kebi wedinke edome gote wemaimopa ängä wedinke ao
änte botö öömo wii gote ae wedinke dakate öömpa pede
godönga datenënte ao änte öömi gote aboë ängä wedinke too
öñögänte nãno äninke tekegene pöni go apaika iñomo mini
kogatii



mini koo ininke edewaa maniñomo go tömängä minigiite
tömängä nāno godamai eñede yekene manii ayöminate go yoge
giibo ate yekene baane wee iate oköne goyöminate bada dee
ängäma änte ayöminate oköboye tate wee kona wedinke



gote minowëngä yekene wënamai igämpa anodo iñomo wemo baka
ate maniñomo tatee köntate gomo ayöminte oone nano ñao eñede
yekene gomo ayöminte apaika kënkade okamo edönke wentamo
ënkate awinka pömo a köngäma mino wënga maniñomo gokäntapa
wedamai i tomaa woyowote mino keweñomo adominke imi ate mino
wënga aabo kewëkedaïmpa änte gokäntapa maniñomo gote
minowëga ongögampa anga wedinke ao änte waänä yekene
kowemaa änä wedinke anodo wedina inkete namo bate yoënte tate
köntate gawadike kowemaa apaika e ate tatee köntate boto wëngä
manii ñomo poma a kögämpa änte manii kegadaïpa